

ՅԵՐՈՒԹԻՒՆ ԹՈՒՄԱՆԵԱՆ

Ի Օ Լ Ե Ր

Վճողիլ մէկ արարածով

ԵՐԿՐՈՐԻ ՏՊԱԴՐՈՒԹԻՒՆ

Բարեփոխած



Թ Ի Ֆ Լ Ի Ս

Տպարան «Զմօրա»

1907

891.99

Թ-33

Հայաստանի ԽՍՀՄ Միջազգային Կ. Մարտի 19 1907

19 NOV 2016

Հայաստանի ԽՍՀՄ Միջազգային Կ. Մարտի 19 1907

891.99

10-88

14/11 1907

ԲԻԲԼ

Բ Օ Լ Ե Բ

Վորսիլ վեկ արարածով

ԵՐԿՐՈՐԻ ՏՊԱՆՐՈՒԹՅՈՒՆ



Թ Ի Ֆ Լ Ի Ս

Տպարան «Զորա»

1907



31958

Առաջին անգամ

1893 թ. մարտի 30-ին, կիրակի

ԹԻՖԼԻՍԻ ԱԶՆԻԱԿԱՆՆԵՐԻ ԹԱՏՐՈՆ

Խ Օ Լ Ե Ր

Վօդընիլ մէկ արարածով
Հեղ. Յարութիւն Թումանեանի

ԳՈՐԾՈՂ ԱՆՁԻՆՔ

Ղազար Ղահրամանեան, երիտասարդ պ. Յարութիւնեան
Նազլու, սրա մայրը. տ. Փառանձեմ
Ստեփան, սրանց ծառան . պ. Գ. Տէր-Դաւթեան
Բժիշկ պ. Պ. Սարգսեան

Ներկայացման իրաւունքը վերապահւած է հեղինակին:

36578-62

ԳՈՐԾՈՂ ԱՆՁԻՆՔ

ՂԱԶԱՐ ՂԱՀՐԱՄԱՆԵԱՆ, հարուստ երիտասարդ,
ՆԱԶԼՈՒ, սրա պառաւ մայրը,
ՍՏԵՓԱՆ, ծառան,
ԲԺԻՇԿ:

Եւրոպական ծելով սարքած սենեակ: Սեղանի վրա դրած են ամփոփակներ եւ դեղերի սրահներ. երկու հատ սրկիչ (пъль-веризаторъ) եւ մարմնի ջերմաչափ. պատի վրա կախած է մի ջերմաչափ. անկիւնում մի վաննա, իսկ հանդիսականների դիմաց մի պահարան:

Երեսոյթ 1

ՂԱԶԱՐ (լրագիրը ձեռքին)

Ա՛խ, Աստուած, Բագում էս ինչքան մարդ է կոտորում. (կարդալով) «Դադստանի նահանգապետը հազորդում է, որ Զուրայում խօլերով հիւանդացել են 340, առողջացել են 94, մեռել են 246, շրջանում մնացել են 1863»: Էլ ո՞վ մնաց սաղ... (կարդալով) «Ստաւրապոլի նահանգապետը հազորդում է, որ նահանգում հիւանդացել են 860, մեռել են 631, մնում է 129»... (շարտելով լրագիրը) Բաւակա՛ն է. քանի կարդում եմ, էնքան զարհուրում եմ... խօլեր խօսքը լսելուն պէս՝ իսկոյն մարմինս սրտում է... Է՛յ, Ստեփան: (Մտնում է Ստեփանը):

Երեսոյթ II

ՂԱԶԱՐ ԵՒ ՍՏԵՓԱՆ

ՍՏԵՓԱՆ

Համմէ, աղա:

ՂԱԶԱՐ

Դռները պինդ կողպիր ու ոչ ոքի չը թողնես
 դայ էստեղ. ոչ ոքի, հասկանում ես, ոչ ոքի...
 Թէ չէ անիծւածները միկրօբներ կը բերեն...

ՍՏԵՓԱՆ

Աղա, ասում ես— ի՞նչ կը բերեն:

ՂԱԶԱՐ

Խլացել ես, ի՞նչ է— միկրօբներ. հասկանում
 ես, միկրօբներ...

ՍՏԵՓԱՆ

Աղա, գլուխս մեռնի, թէ մի բան լինեմ
 հասկանում...

ՂԱԶԱՐ

Տօ, յիմար, միկրօբ, բացի՛ւ...

ՍՏԵՓԱՆ

Աղա, լեզվէւոր է, թէ փռանցուղէւոր...

ՂԱԶԱՐ

Էդ քո բանը չէ. քեզ ասում են դռները փա-
 կիր և ոչ ոքի չը թողնես, ուրիշ ոչինչ... Դէ գնա,
 ի՞նչ ես ուխտ բաց արել ու երեսիս նայում...

ՍՏԵՓԱՆ (առանձին)

Քանի գնում է, գժում է աղէս... (գնում է):

Երեսյթ III

ՂԱԶԱՐ (մենակ)

Մի քիչ կարբօլիկա շաղ տամ, թէ չէ վատ

տարի է... (Բաց է անում մի սրւակ եւ սկսում
 է սրսկել կարբօլիկան թթու) Էս ի՞նչ յիմար պու-
 լերիզատօր է. կարծես, երեխայի խաղալիկ լի-
 նի... Է՛յ, Ստեփան:

Երեսյթ IV

ՂԱԶԱՐ ԵՒ ՍՏԵՓԱՆ

ՍՏԵՓԱՆ

Համմէ, աղա... (առանձին) Էլի կամ աղն է
 պակաս, կամ մաղը:

ՂԱԶԱՐ

Դռները փակեցի՛ր:

ՍՏԵՓԱՆ

Հրամայել ես, փակեցի:

ՂԱԶԱՐ

Էս պուլերիզատօրը շատ պատիկ է. դրա
 շինողի չաբուչը կտարւի, իսկի բանի պէտք չէ:

ՍՏԵՓԱՆ

Ինչը, աղա:

ՂԱԶԱՐ (ցոյց տալով սրսկիչը)

Զահումարը, ի՞նչը— էս, էս, էս եմ ասում,
 այ...

ՍՏԵՓԱՆ

Հա, էդ գիտեմ... զուռնան...

ՂԱԶԱՐ

Ղաւալօվի դուքանի մօտ մի ժեշտի ուստա
կայ, ճանաչում ես:

ՍՏԵՓԱՆ

Հրամմել ես, ճանանչում եմ. էն, որ մի փա-
նար առար բաղչի համար:

ՂԱԶԱՐ

Հա, հէնց էդ է, ինքն էլ մի բարակ-բարակ,
լլար-լլար աղայ է:

ՍՏԵՓԱՆ

Հրամմել ես, ճանանչում եմ... ինքն էլ, որ
էսէնց սխտոր է թակում... (վան է զայիս կա-
ղալով):

ՂԱԶԱՐ

Հա, մի շուտ վաղիր նրա մօտ ու մի հատ
մեծ պուլերիզատոր եմ զակազ տւել, առ բեր:
(Տալով սրակիչը) Այ, սրանից եմ զակազ տւել.
էս էլ հետդ տար ու ցոյց տուր: Ասել եմ էն-
պէս շինի, որ ամեն մի կողքը մի արշին լինի,
որ կարբօլկան շատրւանի պէս չպրտի... հասկա-
նում ես...

ՍՏԵՓԱՆ

Հասկանում եմ, ոնց չէ... որ շատրւանի պէս
չպրտի...

ՂԱԶԱՐ

Դէ գնա՛ բայց կը չափես, անպատճառ մի
արշին լինի:

ՍՏԵՓԱՆ

Բա՛շուստա, աղա, կը չափեմ (դուրս է գնում):

Երեսայթ V

ՂԱԶԱՐ (մենակ)

Էս անիծւած ճանճերը շատ վտանգաւոր են.
(մի ամփոփակի տակից հանում է ծխախոտ եւ
սկսում է ծխել) Կարող են միկրօքներ բերել ի-
րանց թւերի ու սոնների վրա... (Թաշինակով
սկսում է քշել ծանծնրին) քշշ . քշշ... տես,
խակի վախենում են. .քշշ... դէպի լուսամուտ, ա՛յ
անպիտանե՛ր... քշշ . Տճ. ձեզ հետ չեմ... քշշ...
(յանկարծ մի ցնցում գործելով՝ զարհուրած յետ է
թռչում) օ՛յ, օ՛յ... մէկը նստեց բիթս... Հիմա,
ո՞վ գիտէ, թէ ինչ կըլինեմ. . (դիտելով իրան հա-
յելու մէջ) տեսնեմ, բիթս խօ չը կծկւեց... Չէ,
փառք Աստուծոյ, դեռ ոչինչ չը կայ. բիթս սալա-
մաթ է: Մի քիչ Բօտկինի կապի խմեմ, թէ չէ
վատ տարի է, հարկաւոր է ստամոքսը միշտ կա-
պած պահել... (աժում է մի սրակից կաթիլներ
եւ խմում): Ամեն տես ո՞վ զգուշութիւն ես գործ
դնեմ ու ճանճերի ձեռքին գերի մնամ, ախր Աստ-
ւած վեր կ'առնի... Ը՛հ, էս բոպէիս սրանց օխ-
տիցը կը գամ... (ըսրկացած խփելով գլխարկը
պատերին, առաստաղին, յատակին) Քշշ...

բշշ, աւանակներ. բշշ, խողի ճուտեր. բշշ,
մլթօնի զաւակներ. բշշ, լպտածներ, նզովեալ-
ներ, անամօթներ... Տօ, դուք նամուս չունէք,
ուզում էք ինձ սող-սող սպանել. ախր ես մեղք
չեմ... Ասում եմ, բշշ... (յանկարծ սայթաքում է)
եւ՝ գլուխը դիպցնելով դռան, վայր է ընկնում)
է՛յ, օգնեցէ՛ք, Ստեփան... Ստեփան...

(Մտնում է նազլուն սարսափած)

Երևոյթ VI

ՂԱԶԱՐ ԵՒ ՆԱԶԼՈՒ

ՆԱԶԼՈՒ

Ի՞նչ է, ի՞նչ է... Ղազար ջան .. ի՞նչ է պա-
տահել...

ՂԱԶԱՐ (վեր կենալով)

Ո՛ւֆ, ճակատս... անիծւած ճանճերին քշում
էի, յանկարծ ոտս սկըւեց... ո՛ւֆ ճակատս...

ՆԱԶԼՈՒ

Բան չը կայ, որդի, բան չը կայ:

ՂԱԶԱՐ (դիտելով հայելու մէջ)

Մայրիկ, վախենում եմ, որ խօսեր ընկնեմ...

ՆԱԶԼՈՒ (խաչակնքելով առան-
ծին)

է՛յ, սուրբ Աստուածածին, Դու ողորմես.
(ըարձր) որդի, մատաղ կտրի՛, մատաղ... աղօթք
արահ, Ղազար ջան,

ՂԱԶԱՐ

Ջահլէս պիտի տանեմ քո մատաղով. բանի՞
ասես, բաւական չէ:

ՆԱԶԼՈՒ

Այ տղայ, գիւէլ ես. ուզում ես, որ Աստուած
մեզ վրա բարկանայ:

ՂԱԶԱՐ

Աստուած էն ժամանակ կը բարկանայ, երբ
ես ձեռքերս ծալեմ ու առանց նախազգուշութիւն-
ների նստեմ... Նա մեզ աւել է խելք ու բանա-
կանութիւն, որ մենք ինքներս պաշտպանւենք:

ՆԱԶԼՈՒ

Եղպէս բաներ մի ասա, որդի, մահացու
մեղք է... Մարդու ճակատին ինչ դրւած է, էն
էլ պիտի կատարի, դու հազար ասահ: Որդի,
խելքդ գլուխդ հաւաքի՛ր. մատաղ կտրի՛, աղօթք
արահ, թէ չէ՝ դու էլ ես մեղք, ես էլ:

ՂԱԶԱՐ

Դէ, գլխիս գայլի աւտարան մի կարդար...
Հէնց ամեն տեղ պառաւները էղպէս են ասում,
որ խօսերը բանի գնում, էնքան տարածուում է:
Դնահ, գնահ, գործիդ ու խրատները քեզ համար
պահիր:

ՆԱԶԼՈՒ

Դու ես գիտում, Ղազար, յետոյ ինքդ կը
փոշմանես: (Դուրս է գնում):

Երեսոյթ VII

ՂԱԶԱՐ (մենակ)

Ասում եմ, մի քիչ էլ կարթուրեալ փչեմ, թէ
չէ վատ տարի է... (սկսում է սրսկել)։ Սա էլ
դառաւ պուլերիզատոր էլի... Կարծես տիկին-
ների դուխի փչելու լինի... Ա՛յ, սրա շինողի
վիզը կատու ծամի...

(Իտանում է Ստեփանը մի մեծ սրսկիչ ձեռքին)։

Երեսոյթ VIII

ՂԱԶԱՐ ԵՒ ՍՏԵՓԱՆ

ՍՏԵՓԱՆ

Աղա, բերեցի. ամա մէկ կողքը մի արշինից
պակաս է, չափեցի...

ՂԱԶԱՐ

Հեռու, հեռու... մի մօտենար. թող կարթուրեալ
փչեմ, յետոյ, թէ չէ միկրօքներ կը լինես բերած
(մօտենում է Ստեփանին կ'սրբօղկա սրսկելով)։

ՍՏԵՓԱՆ (յետ-յետ փախչելով)

Աղա, Աստուած վկայ է, որ ոչինչ չեմ բերել
էս զուռնից սաւահի։

ՂԱԶԱՐ (սրսկելով)

Կանգնիր, յիմար. դու միկրօքին չես տեսնի՛ր...

ՍՏԵՓԱՆ (յետ-յետ փախչելով)

Աղա, խի՞ չեմ տեսնի, քօռ խօ չեմ, փառք
Աստուծու... (ծածկելով քիթը) փռւֆ, փռւֆ էս
ի՛նչ չնահոտ է գալիս, փռւֆ...

ՂԱԶԱՐ (սրսկելով)

Ի՞նչ ես դէս ու դէն փախչում, յիմար. կանգ-
նիր... էդ պուլերիզատորն էլ բարձր պահիր,
որ դրա վրա էլ փչեմ։

ՍՏԵՓԱՆ (առանձին եւ քարծ-
րացնելով սրսկիչը)

Ովվէ, զահլա տարաւ... (քարծր) Ըհա... աղա,
քեզ մատաղ, բօլա. ախր ի՞նչ կայ, որ է... ախր
էդքան խի՞ ես վախում։

ՂԱԶԱՐ (սրսկելով)

Էդ քո խելքի բան չէ, կանգնիր, բարձր
պահիր... էդպէս. ոտքերդ էլ բարձր պահիր, որ
նրանց տակ էլ փչեմ։

ՍՏԵՓԱՆ (քարծրացնելով ոտը)

Աղա, ուզում ես, երկու ոտս էլ դնեմ ուսերիս...
(քարծրացնում է միւս ոտը)։

ՂԱԶԱՐ (սրսկելով)

Հանաքի ժամանակ չէ, ոտներդ բարձր պահիր...

ՍՏԵՓԱՆ

Աղա, վալլահ, բօլա, բիլլահ, բօլա...

ՂԱԶԱՐ (կարբօլ. թիծու ածելով)

Դէ հիմա, Ստեփան, էդ թաղա պուլերի-
զատորովը դու էլ ինձ վրա փչիր, թէ չէ վատ
տարի է...

ՍՏԵՓԱՆ (առանձին)

Աստուած գիտենայ, դրուստ աչքումը պիտի

փչեմ... (ըստ ընդ) Աղա, թագա զուռնան շնորհա-
ւոր լինի, բարով մաշեմ... (սկսում է սրկել):

ՂԱԶԱՐ (շուռ գալով այս ու
այն կողմ)

Կամաց... կամաց... օհօ, հօ, հօ... շորերս բո-
լորովին թրջեցիր... բաւական է... կամաց... բա-
ւական է... տօ, քեզ չեմ ասում, բաւական է...

ՍՏԵՓԱՆ (թողնելով սրկելը)

Աղա, աչքս չը դիպչի, ի՞նչ չպրտում է... Թա-
մամ շատրւան է էլի. ամա ափսո՛ս, որ մի կողքը
արշինից պակաս է:

(Ծագլուն հեռից երեսում է)

ՂԱԶԱՐ

Վնաս չունի, շատ լաւն է:

Երեսույթ IX

ՆՐԱՆՔ ԵՒ ՆԱԶԼՈՒ

ՆԱԶԼՈՒ

Որդի էլի դարդակ բաների հետ ես. մատաղ
կտրի՛, մատաղ, թէ չէ էդպէս բաներով չես կա-
րող Սատծու ուղարկած պատիժը հեռացնել...
Աղօթք արա՛, բաւա՛, աղօթք:

ՂԱԶԱՐ (առանձին)

Ըհը՛, էլի սկսեց իրա ճիւղնուրը. (ըստ ընդ) տօ,
քանի՛ ասես, բաւական չէ:

ՍՏԵՓԱՆ (Ծագլին)

Աղջիկ պարմն, էնքան «մատաղ-մատաղ» ասե-
ցիր, որ սիրտս մատաղի խաշլամա է ուղում...
էն Սատածը, բերանս ջրակալեց:

ՆԱԶԼՈՒ

Ղաղար ջան, Սատած կը բարկանայ, մեռ-
նեմ նրա զօրութեանը...

ՂԱԶԱՐ (առնելով մեծ սրկիչը)

Մայրիկ, բեր քեզ վրա էլ փչեմ... կաց,
քեզ վրա էլ փչեմ...

ՆԱԶԼՈՒ (փախչելով)

Ես չեմ ուղում, ես չեմ ուղում... (դուրս է
գնում):

Երեսույթ X

ՍՏԵՓԱՆ ԵՒ ՂԱԶԱՐ

ՂԱԶԱՐ

Ստեփան, էս օթախը մի լաւ մաքրիր. մու-
ղայթ կաց, որ էս շուշէքը, պուղիրօկները չը կոտ-
րես... հասկանում ես, թէ չէ՛ աչքերդ կը հանեմ: Էս
սկամիքն էլ կարգի բեր, բոլոր ճանճերին էլ դուրս
քշի, թէ չէ՛ երկիւղալի տարի է: Էս կալպակնե-
րին ձեռք չը տաս... Ինչի որ ձեռք տալու լինես,
ձեռքերդ կարթուրով կը լանաս առաջ. էս պուլ-
ւերիդատօրները մուղայթ կաց, որ չը կոտրես: Շհատ,
ինչ որ ասացի՛ բոլորը կատարիր, ես էլ էս սա-
հաթիս գալիս եմ... չհատ, էս սահաթիս գալիս
եմ... (դուրս է գնում):

Երեսույթ XI

ՄՏԵՓՈՆ (շարած)

Ձեր մեղքին տէր դառնամ, թէ մի բան
հասկացայ... Էներան վրա վրա տուեց, բէյնս իսկի
զադ չը մտաւ: Խոստովանք լինի, էս մեր աղէն
ինչ սարսաղ մարդ է եղել: Խօլերից էներան վա-
խում է, որ քիչ է մնում, մկան ծակը հազար
թումանով առնի ու մէջը մանի... Տեսէք, ինչ
ծրտի-պրտի, բաներ է դարսել ստօլի վրա:
Աստուած սիրէք, մինը չը լինի, ասի՝ ախր խօ-
լերը ինչ զադ է, որ էղբան դողդողում ես: Իրա
խելըը շատ գլխին է, ինձ էլ խրատներ է տա-
լիս — մրգեղէն չ'ուտես, շուտ շուտ շորերդ փո-
խիր, ձեռքերդ քացախով լւացիր, զուռնան փշիր...
Տօ, զուռնա փշելով խօլեր կը փախչի՞. բերանիս
լազաթը կտրեմ, թէ խօլեր կսոյ .. Ձեր արեւը
վկայ, մինչև էսօր ինչոր աղէս խրատներ է
տուել, ես դիմ հակառակն եմ արել: Նա գիշեր-
ցերեկ դողդողում է, մուրայթ է կենում. փահ
րիկ է պահում, էսպէս դեղեր է բանեցնում, իսկ
ես՝ ոչ հիմա տեսէք — ինչս է պակասել. տեսէք —
ո՛ւմ վիզն է հաստ, իմը թէ նրանը... (առնելով մի
ամփոփակ) Սրան մտիկ արէք... բաներ է դար-
սել: (ձեռքը շարժելով դէպի աջ ու ձախ) փահ,
փահ, փահ... Հը՛, ասես՝ դերուխի փա-
փախ լինի... (ամփոփակը դնում է գլխին ու թրոշ-
կոտելով սկսում է հայելու առաջ նրգել):

«Սարի աղջիկ, մարալօ, մարալօ,
Տնւր ինձ պաշիկ, մարալօ, մարալօ.
Հէյ դալալա, հէյ դալալա, դալալա,
Սարի աղջիկ, մարալօ, մարալօ»...
(Երգելու ժամանակ վրա է հասնում Ղազարը)

Երեսույթ XII

ՂԱԶԱՐ ԵՒ ՄՏԵՓՈՆ

ՂԱԶԱՐ

Տօ, փո՛ւշ կենդանի, էդ ի՞նչ դալաթներ ես
անում: Գեղ ասել եմ — օթախը կարգի բեր, դու
մադրաբաղութիւններ ես անում...

ՄՏԵՓՈՆ (շշկլած դնելով ամ-
փոփակն իր տեղը)

Աղա՛, բեզ մատաղ, էլ չեմ անիլ...

ՂԱԶԱՐ

Կորիր դուրս, անիծւած. էլ աչքումս չ'ե-
րևաս...

ՄՏԵՓՈՆ

Աղա՛, չիմացայ, կը բաշխես... (դուրս է գնում):

Երեսույթ XIII

ՂԱԶԱՐ (մենակ)

Ձի՛ էլ ամաչում, անզգամ. էստեղ սրտիս դա-
նակ խփես, մի կաթիլ արիւն չի դուրս գալ, իսկ
սա ի՞նչ բաներ է անում... Օ՛յ, յօ, գլուխս պտըտ-
ւում է, ջանս էլ մի քիչ թուլացաւ. վախենում եմ,
խօլեր լինի... (դիտելով ձեռքը) տեսնեմ խօ կո՛ւշ



չի գալիս... Չէ, փառք Աստծու, դեռ ոչինչ չը կայ. բայց վախենում եմ, որ յանկարծ սիրտս խառնի: Վա՛յ, փոքր, փոքր, ան, Աստուծ, փոքր... (Սղմելով փորը): չէ, բանս բուրդ է: (Դիտելով հայելու մէջ). ճակատս էլ կապտել է, ես ինձ վատ եմ զգում. ինչպէս երևում է, փորս մրօել է... Ստեփան, Պտեփան... (Ստեփանը նրեւում է դռան մօտ) մի տաք շոր բեր, մի շալ բեր կամ մի բալիշ... շո՛ւտ... (Ստեփանը իսկոյն բերում է մի քարծ): Մի կապելու բան էլ բեր, շո՛ւտ... (Ստեփանը գնում է): Նշանները վատ են երևում, բանս շոր է: Ա՛խ, Աստուծ, Դու վերջս բարի անեա: Ստեփան, ոտդ կոտրւի՛, շո՛ւտ... (Ստեփանը բերում մի թոկ):

Երեսույթ XIV

ՂԱԶԱՐ ԵՒ ՄՏԵՓԱՆ

ՂԱԶԱՐ (բարձր ղենելով փորին)

Ստեփան, շուտով կապիր... վա՛յ, փորս զրզռում է:

ՄՏԵՓԱՆ (բարձր կապելով թոկով)

Ախր, աղա ջան խի՛ ես էդպէս անում է՝ ինչ կայ, փառք Աստծու, որ էդպէս վախում ես: Աղա, ես որքո տեղն ըլեմ, մին երկու ստաքան իրար վրա կը գցեմ ու էն վախտն էլ ոչ փորս կը զրզռայ, ոչ էլ բան կը լինի... Հլա ջեռ, քէփս էլ կը լաւանայ: Աղա, պի՛նդ կապեմ... Ը՛հը էսպէս լաւէ:

ՂԱԶԱՐ

Ա՛խ, ճանճեր, Աստուծ ձեր դատաստանն անի՛, դիփ դո՛ւք էք մեղաւոր: Ստեփան, տես խօ կո՛ւչ չեմ գալիս:

ՄՏԵՓԱՆ

Ո՛չ, աղա, հլա ջեռ տալդել ես: Վախիլ մի, բան չը կայ, իմ արեւը, բան չը կայ: Աղա, դու ինձ լսի ու մին-երկու ստաքան հո՛ւպ տուր:

ՂԱԶԱՐ (զննելով ձեռքերը)

Չէ, կո՛ւչ եմ գալիս, ձեռքերս ուզում են կապտել: Ստեփան, ես կարելի է մեռնեմ. շուտ վազիր ու բժշկին կանչիր. եթէ զբաղւած լինի, ասա, որ վիզիտին յիսուն մանէթ եմ տալիս, թե՛ղ շուտով գայ: Ստեփան, շո՛ւտ... բժի՛շկ...

(Ստեփան շտապով դուրս է գնում: մտնում է Նազլուն)

Երեսույթ XV

ՂԱԶԱՐ ԵՒ ՆԱԶԼՈՒ

ՆԱԶԼՈՒ (զարհուրած)

Վո՛ւյ, բռնանամ... Դազար ջան, ինչ է պատահել .. ինչ է, չարդ տանեմ...

ՂԱԶԱՐ

Մայրիկ, մեռնում եմ, խօլեր եմ ընկել... փորս զրզռում է, ձեռքերս ուզում են կապտել, վա՛յ...

ՆԱԶԼՈՒ (մերսելով)

Որդի, ոչինչ չը կայ, մի վախենար. բալն,
Ղազար, ոչինչ չը կայ, փառք Աստծու, երեսիդ
առնգը պարզ է, ինքդ էլ առողջ: Խօսեր ըն-
կած մարդ շատ եմ տեսել—էդպէս չի լինում,
որդի, մի վախենար...

ՂԱԶԱՐ (սիրտը ինչ սիրտ առած)

Բառ հնց է լինում:

ՆԱԶԼՈՒ

Ոհնց պիտի լինի. խօսեր ընկածը էն սահա-
թին կը լուծի, սիրտը կը խառնի, կը թուլանայ,
ջանը կը կապտի, կուչ կը գայ...

ՂԱԶԱՐ

Բառ ես չեմ կապտել, կոչ չեմ եկել... մի
լաւ մտիկ արա:

ՆԱԶԼՈՒ

Չէ, չէ, ամենեւին: Աստուած վկայ է, որ
ոչինչ չը կայ:

ՂԱԶԱՐ (դիտելով իրան հա-
յելու մէջ)

Ճշմարիտ... Բառ փորս ինչո՞ւ էր էնպէս ա-
նում:

ՆԱԶԼՈՒ

Ո՞վ գիտէ, որդի, կարելի է մրսել ես. ա-
մեն մի փորացաւ խօ խօսեր չի՞, որ էդքան վա-
խենում ես:

ՂԱԶԱՐ (դիտելով իրան)

Չէ, փառք Աստծու, դեռ բան չը կայ:

ՆԱԶԼՈՒ

Հալբաթ, որ բան չը կայ: Որդի, մատաղ կարի,
մատաղ:

ՂԱԶԱՐ

Մատաղը բժիշկն է, բժիշկը, հասկանում ես:

ՆԱԶԼՈՒ

Հողեմ բժիշկների դուխը: Նրանք չէին, որ
էնքան մարդ սաղ-սաղ սպանեցին. մարդ նրանց
կը հաւատայ:

ՂԱԶԱՐ

Բառ նրանց չը հաւատամ, բեզ պէսներին հա-
ւատամ:

ՆԱԶԼՈՒ

Բառ էնքան որ ասում են, սուտ է էլի:

ՂԱԶԱՐ

Նրանք մարդ փրկող են, ոչ թէ մարդ սպա-
նող:

(Նախասննակում լսում է ըժշկի ձայնը. «ա՛յ
տղայ, այս ի՞նչ է թափած գետնի վրա, խօ
սիրտը չի՞ խառնել»: Ստեփանի ձայնը. «ոչ,
դժխտութիւն ջան, ջուր է թափած, ջուր»):

Երեսից XVI

ՂԱԶԱՐ, ՆԱԶԼՈՒ ԵՒ ԲԺԻՇԿ

ԲԺԻՇԿ (հեռից)

Բարեւ ձեզ... հիմ է հիւանդը:

ՂԱԶԱՐ (մօտենալով)

Աստծու բարին. ես եմ, ես... Պարոն բժիշկ, ինձ թուում է... ը՛, այսինքն, կարծեմ, խօլեր եմ ընկել, բայց մայրս հաւատացնում է, որ ոչինչ չը կայ:

ԲԺԻՇԿ (առանձին)

Ծիծաղաշարժ հիւանդ է... (ըստ ձր) Պարոն, ինդրեմ, ասացէ՛ք... այդ բարձը... ճշմարիտ, ոչինչ չեմ հասկանում...

ՂԱԶԱՐ

Ամօթ չը լինի ասելը, փորս մի տեսակ էր անում, պարոն բժիշկ. վախեցայ, որ յանկարծ, Աստուած մի արասցէ, մի անբախտութիւն պատահի... և որովհետեւ լրագրում կարդացի, որ փորը պէտք է շատ տաք պահել, ուստի ես...

ԲԺԻՇԿ

Ի հարկէ, ի հարկէ, պէտք է փորը տաք պահել. բայց բաւական է, եթէ միայն ֆլանելով կապէք... Սակայն բոլորովին խօլերի նշան չեմ նկատում ձեր դէմքի վրա:

ՂԱԶԱՐ (դիտելով իրան հայելու մէջ)

Ճշմարիտ... (մօտենալով բժշկին) Իսկ էս ճակատիս կապոյտը:

ԲԺԻՇԿ (զննելով)

Կարելի է, դիպրել էք մի բանի, կամ վայր էք ընկել. վերջապէս այդ խօլերի նշան չէ:

ՂԱԶԱՐ

Պարոն բժիշկ, ես կասկածում եմ, ես վախենում եմ, որ էս կապոյտը քանի դնայ, էնքան մեծանայ, վերջը սաղ ջանս ծածկի ու տունս բանդի:

ՆԱԶԱՐԻ

Որդի, զուր լինչ ես վախում. մի բիշ առաջ վեր չ'ընկար ու ճակատդ կապտացի՞ր:

ԲԺԻՇԿ

Ինչպէս է ձեր ախորժակը:

ՂԱԶԱՐ (առանձին)

Հալբաթ մի բան կայ, որ էսպէս հարցնում է... (ըստ ձր) Փառք Աստծու, ախորժակս լաւ է:

ԲԺԻՇԿ

Խօ չէք լուծել:

ՂԱԶԱՐ

Փառք Աստծու, դեռ ոչ. բայց բիշ էր մնում, որ լուծէի:

ԲԺԻՇԿ

Իսկ չէք փսխել:

ՂԱԶԱՐ (առանձին)

Չէ, մի բան կայ... (ըստ ձր) Փառք Աստծու, դեռ ոչ. բայց բիշ էր մնում, որ փսխէի:

ԲԺԻՇԿ

Գիշերներն անհանգիստ խօ չէք լինում:

ՂԱԶԱՐ

Շատ անհանգիստ եմ լինում գիշերները:

շա՛տ. շուտ-շուտ զարթնում եմ, վեր եմ կենում, փորս զիտում, կարբօլիա եմ փչում, վերմակիս ու բարձիս տակ սկսում եմ ճրագով գննել, որ տեսնեմ սիրտս խօ չի՞ խառնել: Երբեմն հայելու մէջ մտիկ եմ անում, որ տեսնեմ՝ թէ խօ կոչ չեմ եկել, կամ խօ չեմ կապտել: Երբեմն էլ կապլի եմ խմում...

ԲԺԻՇԿ

Դուք զուր էք այդպէս անհանգիստ լինում ու կապլի խմում. դուք ինձանից էլ առողջ էք և խօլերի նշոյլ անգամ չը կայ ձեզանում:

ՂԱԶԱՐ

Խնդրեմ, պարոն բժիշկ, եթէ, Աստուծ մի արասցէ, մի բան կայ, միք ծածկիլ, ուղիղն ասացէք: Գուցէ կարծում էք, որ ուղղակի ասելու լինէք, ես յանկարծ կը վախենամ: Բայց հաւատացնում եմ ձեզ, որ ես վախկոտ մարդ չեմ:

ԲԺԻՇԿ

Երևում է... Բայց ես ձեզ հաւատացնում եմ, որ դուք բոլորովին առողջ էք:

ՂԱԶԱՐ (դիտելով ձեռքը եւ սղմելով փորը)

Ճշմարիտ:

ԲԺԻՇԿ

Զուր էք վախենում, պարոն:

ՂԱԶԱՐ

Պարոն բժիշկ, ի սէր Աստուծոյ, թէ մի բան կայ, ասացէք: Եթէ կամենաք, մի անգամից հահարիւր կաթիլ կապլի կը խմեմ. (ցոյց տալով սրւակները) ահա տեսնում էք — այստեղ կան ամեն տեսակ կապլիներ՝ Բօտկինի, Վալերիանի, Հօֆմանի, Ինօզեմցեւի, Մեատնի: Եթէ հարկաւոր լինի, կարող եմ վաննա էլ նստել:

ՍՏԵՓԱՆ

Աղա՛, կամենաք, ջուր տաքացնեմ վաննի համար:

ԲԺԻՇԿ

Ես ձեզ խորհուրդ եմ տալիս, որ հեռացնէք այստեղից բոլոր կապլիներն ու վաննան, որովհետեւ սրանք բոլորն էլ աւելորդ են:

ՍՏԵՓԱՆ (ցոյց տալով մեծ սրկիչը)

Դժխտուր ջան, իսկ էս զուռնան:

ՂԱԶԱՐ

Ինչպէս թէ աւելորդ...

ԲԺԻՇԿ

Այո, բոլորովին աւելորդ են բոլորն էլ զուռնա տարէք. սրանք միայն վախեցնող են, ուրիշ ոչինչ: Իսկ եթէ, Տէրն մի արասցէ, մի բան պատահի, ինձ իսկոյն կանչեցէք ու ես շուտով կը գամ, դեղերն էլ հետս. անհոգ կացէք ու մոռացէ՛ք խօլերը:

ՂԱԶԱՐ

Պարոն բժիշկ, ես էլ եմ ուզում մոռանալ,
բայց որ չի լինում:

ԲԺԻՇԿ

Կը լինի, կը լինի, դուք միայն հեռացրէք սե-
նեակից այս սրտի շնորհը, վաննան ու դեղերը:

ՂԱԶԱՐ

Տեսնենք, բանը բան ցոյց կը տայ:

ՆԱԶԼՈՒ

Որդի, մատաղ կտրի, մատաղ . .

ԲԺԻՇԿ

Դուք միայն զգուշացէք խակ պտուղներ ու
դժւարամարս կերակուրներ գործ ածելուց:

ՂԱԶԱՐ

Օ, ես ամբողջ մի ամիս է, որ փահրիղ եմ
պահում:

ԲԺԻՇԿ

Մաքրութիւն պահպանեցէք ու շուտ-շուտ
լողացէք, սպիտակեղէնները շուտ-շուտ փոխեցէ՛ք:

ՍՏԵՓԱՆ (առանձին)

Երկուսն էլ մէկ խելքի են երևում հա՛

ԲԺԻՇԿ

Աշխատեցէք շուտ-շուտ փոխել բնարականի-
օդը, զգուշացէք բակը ջրելուց, սենեակների յա-
տակը լանալուց:

ՍՏԵՓԱՆ (առանձին)

Յրհնի՛ք բերանը, դճխաւը ջան:

ԲԺԻՇԿ

Կաթսաները բանալիներուց առաջ պէտք է
հռացող ջրում լանալ, նոյնպէս և ափսէները,
բաժակները, դանակները, պատառաքաղներն ու
գդալները:

ՍՏԵՓԱՆ (առանձին)

Լեզուդ պապանձա՛ի...

ՂԱԶԱՐ

Լսում ես, Ստեփան:

ՍՏԵՓԱՆ

Հրամե՛լ ես, աղա՛, խո՛ւլ խօ չեմ:

ԲԺԻՇԿ

Անձեռնոցիկները, սփռոցներն ու թէյի անօ-
թի սրբիչները պէտք է պահարանում պահել չո-
րացած և ափսոսելից հանել միայն գործ ածելու
ժամանակ:

ՂԱԶԱՐ

Պարոն բժիշկ, այդ բոլորն անում ենք:

ԲԺԻՇԿ

Առհասարակ աշխատեցէք չը փոխել ձեր
կեանքի սովորական եղանակը, եթէ նա կա-
նոնաւոր է եղել Սակայն անհրաժեշտ է զգոյշ
լինել մրսելուց, խոյս տալ այն բաներից, որոնք
կարող են յոգնեցնել ու թուլացնել մարդուն:

Մանաւանդ պէտք է զգուշանաք արբեցողութիւնից:

ՂԱԶԱՐ

Օ՛, միամիտ է, պարոն բժիշկ, որ իսկի մի կաթիլ գինի կամ արաղ չեմ առել բերանս:

ԲԺԻՇԿ

Գինի կարող էք խմել, միայն կարմիրը, այն էլ այնպիսին, որ խօլերը երեւալուց առաջ է շիշերի մէջ ածւած: Կարող էք գործածել թէյի ու կօֆէի հետ օղի, կօնեակ:

ՍՏԵՓԱՆ

Աղա՛, ես որ ասում էի...

ԲԺԻՇԿ

Օգտակար են քիչ քանակութեամբ ուօմ, շամպանիս:

ՍՏԵՓԱՆ

Դօկտոր ջան, ինձ էլ է օգտակար, չէ՞:

ԲԺԻՇԿ (Ստեփանին)

Այո, բոլորին: Միայն պէտք է կերակուր պատրաստելու և սեղան ծածկելու ժամանակ ձեռքերդ լանաս սապոնով ու խողանակով:

ՍՏԵՓԱՆ

Ամեն օր լանում եմ բացախով, դօկտոր ջան:

ՂԱԶԱՐ

Այդ բոլորը կատարում ենք, պարոն բժիշկ, իսկ էդ անիծւած ճանճերը...

ԲԺԻՇԿ

Այո, ճանճերն էլ վտանգաւոր են. աշխատեցէք ամեն մի ուտելիք ու խմելիք ծածկւած պահել... սոհասարակ զգուշացէք ճանճերից:

ՂԱԶԱՐ

Չի՛ լինում, պարոն բժիշկ, չի՛ լինում. ինչքան քան քչում եմ, ինչքան հալածում եմ, ինչքան չարանում եմ, բայց էլի չեմ կարողանում նրանց օխտիցը դալ... Հանգիստ նստած ես ու, մէկ էլ տեսնես, տղալով եկաւ ու բժիդ բաղմեց, էն ժամանակ արի՛, էշը ցեխիցը հանի՛ր:

ԲԺԻՇԿ

Դօկտոր Կօխը իր հետազօտութիւնների ժամանակ մի ճանճի օջ թեի ու փորի վրա խոշորացոյցով նկատել է երկու հատ միկրօբներ. ուստի խորհուրդ են տալիս զգուշանալ: Յտեսութիւն, Մի բան եղած ժամանակը, ինձ իսկոյն կանչեցէք: Յտեսութիւն...

(դուրս է գնում):

ՂԱԶԱՐ (ապշած ու առանձին)

Դօկտոր Կօխը... Մի՛թէ...

Երևոյթ XVII

ՂԱԶԱՐ, ՆԱԶԼՈՒ ԵՒ ՍՏԵՓԱՆ

ՆԱԶԼՈՒ

Որդի, տես՞ր, որ ոչինչ չը կայ ու զուր էի՛ր փախենում:

ՂԱԶԱՐ (ապշած)

Դօկտօր Կօխը... Երկու հատ միկրօբներ...

ՍՏԵՓԱՆ

Աղա, վաննան դուրս տանեմ:

ՂԱԶԱՐ (ապշած)

Մի ճանճի աջ թևի ու փորի վրա... Մի/թէ...

ՆԱԶՈՒ

Որդի, ի՞նչ խօսքերին չէիր հաւատում, տեսնո՞ւ
— էդ էլ քո բժիշկը:

ՂԱԶԱՐ (ապշած)

Դօկտօր Կօխը... խոչորացոյցով... Մի/թէ...
(սթափուելով ու քարծր) Ստեփան, Ստեփան...

ՍՏԵՓԱՆ

Համէ՛, աղա, էստեղ եմ, էստեղ... Տնաւեր,
էքքան կը բղաւեն, սիրտս ընկաւ փորս:

ՂԱԶԱՐ

Ստեփան, ես քեզ հրամայում եմ, ես քեզ
պատւիրում եմ, որ էս սահաթս բոլոր ճանճերին
դուրս բշտ էստեղից: Եթէ մէկ հատ թողնես, իմ
արեւը վկայ է, էնպէս օյին կը բերեմ գլխիդ,
որ շան գլուխ եկած չը լինի, հասկանում ես...

ՍՏԵՓԱՆ

Հասկանում եմ, հասկանում. որ շան գլուխը
եկած չը լինի:

ՂԱԶԱՐ

Էնպէս օյին կը բերեմ գլխիդ, որ հօրդ հարսա-
նիքը միտդ գայ: Մի հատ չը թողնես... մի
հատ... հասկանում ես... թէ չէ՝ աչքերդ կը հա-
նեմ: Սրանից յետոյ էստեղ կը կանգնես ու ճան-
ճերի վրա կը հսկես, որ մի հատ չը համարձակ-
ւի մտնել էստեղ: Քո գործը էդ կը լինի սրա-
նից յետոյ... շուտ, բոլորին դուրս քշիր... Մի
հատ չը թողնես... (Բացանով պահարանի դուռը)
Ես էլ մտնում եմ էստեղ մինչև քո դուրս քշելը.
մի հատ չը թողնես... (մտնելով պահարանը),
մի հատ... հասկանում ես, (կողպելով պահարա-
նի դուռը) մի հատ... մի հատ...

ՆԱԶՈՒ (առանձին)

Տէր Աստուած, Դու ողորմե՛ս...

ՍՏԵՓԱՆ (առնելով մի շոր
սկսում է ճանճերին քշել)

Է՛ս էր պակաս, ճանճերի դարաւուլ էլ դա-
ռանք... ճանճի թուր էլ չունիմ, որ բոլորին մէկ-
մէկ կոտորեմ... քը շշ... քը շշ... քը շշ...

ՎԱՐԱԳՈՅՐ

*) Պահարան մտնելու փոխարէն՝ կարելի է փաթաթել մեծ
շարսուի մէջ ու մտնել սեղանի տակ:

Կովկասի Ուսումնական շրջանի Հոգաբարձւի Կարգա-
դրութեամբ

ԼՈՅՍ ՏԵՍԱԻ

Յարութիւն Թումանեանի

ՀԱՆՐԱՄԱՏՁԵԼԻ

ՌՈՒՍ-ՀԱՅԵՐԷՆ

ԲԱՌԱՐԱՆԸ

408 էր. մօտ 10,000 քառ.

Գինն է 75 ԿՈՊ.

Ճանապարհածախսով 90 Կոպ.

Դիմել Թիֆլիսի զրավաճառներին կամ հեղինա-
կին՝ Тифлисъ, Чавчавадзевская № 25/а.

ԸՆԴՈՒՆԻՈՒԹ՝ Է՝ ԲԱԺԱՆՈՐԴԱԳՐՈՒԹԻՒՆ

„ՅՈՒՂԱՐԱՐ“

Թատերական-զրական-գեղարւեստական երկշարթա-
թերթի

Տարեկան քաժնեգինն է 5 ռ.

Հասցէ՝ Тифлисъ, Редакция «Ушараръ»



«Ազգային գրադարան»



NL0335799

ԼՈՅՍ ԵՆ ՏԵՍԵԼ

Յարութիւն Թումանեանի

1) ԱՐԻՈՒԹԵԱՆ ԹԵԻԵՐԸ (Թարգ.)	30 Կ.
2) ԱՄՈՒՐԻՆ (սակաւաթիւ)	20 »
3) ՀԱՆԱՔ ՈՒ ԴԱՆԱԿ (սակաւաթիւ)	30 »
4) ԲԱՆԱՍՏԵՂԾՈՒԹԻՒՆՆԵՐ (սակաւաթիւ)	50 »
5) ՄԵԼԻՔ-ԲԷՔԼԱՐ, պատմ. պօէմ (սակաւաթիւ)	10 »
6) ՄԵԼԻՔ. ԻԻՍՈՒՓ, պատմ. պօէմ	20 »
7) ՆՈՒԱԳՆԵՐ	30 »
8) ՄՈՒՍԱ, պատմ. պօէմ I նւագ	20 »
9) ՄՈՒՍԱ, » » II նւագ	20 »
10) ՀԱԶԱՐԱՆ-ԲԼԲՈՒԼ, ֆէէրիա 3 արարւածով	30 »
11) ԱՐՏԱԻԱԶԴ Բ. պատմ. ֆէէրիա 4 պատկերով	30 »
12) ՍՏՈՒԳԱԲԱՆՈՒԹԻՒՆ Հայոց աշխարհաբ. լեզ.	40 »
13) ՌՈՒՍ-ՀԱՅԵՐԷՆ ԲԱՌԱՐԱՆ	75 »
14) ԽՕԼԵՐ, վօդաբիւ, երկրորդ տպագրութիւն	20 »

ԴԻՆՆ Է 20 ԿՈՊ.

Դիմել Թիֆլիսի գրադաճառներին կամ Հեղինա-
 Կին՝ Тифлисъ, Чавчавадзевская ул. домъ Мар-
 карова № 25/а.